

自撰

下

伊
3728
2



武事。頗踈文學。向來可志學道。必其以斯言不
可忽諸。故今使弘文學士講論語。長為恒例。云云。
余乃應。命講學而首章。聽者二百餘人。皆以為
希代之盛舉也。講後。召余賜時服五領。乾者一管。
同月。塾生和堅依。召登。城與春龍同列。是亦助
余勞也。

十一月於御休所講書經。講後。并戴時服三領。



王音曰逐年可終編云云

同月二十一日冬至 尊大君手書大成殿三大字

賜余曰 聖廟落成在近可以為扁額

十二月二十二日昌平坂 聖殿有上棟之儀執事

秋元但馬守承 命早晚來觀其儀右京亮飛驒

守列居於平地余亦入堂內供薄奠使塾生讀上

梁文杏壇門入德門仰高門悉成兼命畫師法眼

狩野洞雲圖先賢先儒肖像掛之東廂西廂且

新築 尊大君御座所竒麗驚目其餘寶藏

書庫學寮亦土木畢功也

四年辛未 四十八歲

正月七三郎十一歲作試筆詩

同月十三日近候 御前有 命曰昌平坂

聖堂新成以汝為開基近頃卜日欲遷 尊像

汝其束髮可改衣服叙從五位下任大學頭云云拜
命之辱告謝平伏老臣及牧野備後守柳澤出羽
守伺候翌日着尉斗自長袴俗曰長上下謁見拜戴時
服三領人皆為榮十五日獻黃金馬代於御座
間為任叙之拜禮老臣列座告謝詞貴族侯伯
士林或來或寄使賀之音問絡繹經日春龍改
名新助和堅改名傳藏共束髮

二月七日特降 恩命奉移 聖像四配像
于昌平坂余早晚赴忍岡謹出 尊像松
平石京亮亦來忍岡指揮諸務老臣大久保
加賀守執事秋元但馬守奉行蟬須賀飛驒守
先到昌平坂奉迎 神輿寅刻 神輿出忍
岡卒夫長徒步頭各率其隊警衛戒禁途中
往來 神輿之側新助傳藏陪從徒步頭小十

人頭名率其隊奉護之四配之輿亦書生各二人
徒步頭小十人頭各率其隊護之其儀嚴重加
賀守但馬守飛驒守各裝束出迎於杏壇門
外余着禮服跪坐石階下入堂內奉移

聖像四配像于室內兼設十哲神主於室內左右事
畢登城詳告始末台顏欣然及退有命曰
近頃可修祭儀拜命之辱謝伏而去

十一日尊大君飛台駕設假閣於堂庭觀祭
儀老臣加賀守豐後守山城守及出羽守俾
馬守跪伏于堂庭扈從如雲其儀嚴重祭畢
入御座所近召余特賜堂領千石余獻劔馬
朋樽兩者而後密獻四書大金全屏風老臣傳
命拜領白銀一千兩老母野妻一女二子亦有
恩賚其負如先規且賜白銀五百兩于豫祭書

生而使余講經其後 尊大君亦講經了奏
舞曲舞終捧饗膳 台顏莞爾辱賜
御盃申刻還 御余亦登 城一一奉謝
命之辱也

今般昌平坂 聖堂新造允貴族侯伯悉皆
獻納祭器祭具書物屏風紅氍等華飾盡
美納于寶藏收蓄之

貴族侯伯悉皆逐次獻劔馬并禮

二十五日 尊大君賜饗於余賀之觴膳精
豐如先規

五月講春秋胡氏傳了

七月六日赴昌平坂入書院講禮記曲禮發端
侍講筵者五六百人滿座盈寸席空歸者不
知其數

九月十日 尊大君於御座間自講學而首
章官司百僚許并聞二百八十餘人侍講筵
講後近召余侍賀宴賜 御盃

十月 尊大君自講孟子集註七篇了賜宴
近臣余亦侍宴賜時朕三領樽三重菓子

十二月朔日有 命曰自今而後每月朔望佳
節拜謁之席可為獨禮奏名之列云云

是年塾生安見文平應 召與新帥傳莪同

列

新帥後稱莊藩在衛門俗諺
書資傳藏俗諺書卷文平俗諺未恒

五年壬申

四十九歲

二月十三日 聖堂釋菜 尊大君臨御於庭

上假閱觀祭儀其儀悉同去年經日賜饗亦
如例

六月二十一日 尊大君講了中庸於是四書全

部終講歡喜之餘賜宴於陪講席者二百七十
餘人余亦獻雙樽兩種賀之 尊大君召余
曰汝咫尺講席而說經談理者已過一紀就中
七八年來日二陪坐不辨晝夜勤勞有餘
至是宿志悉達喜而不措因賜銅鳳大香爐
及時服五領白銀三百兩

八月三日

尊大君近召余曰內寵

号五九後稱
瑞春院

好學常欲聞汝講經自今日可講小學云云乃
從其命講序及題辭寵妃隔簾聽之講
後寵妃賜撒金香奩時服等自此每月兩三
回講說逐次累席

十二月十三日

營中有煤拂之儀

尊大君遊二九還 御之後群臣悉賀之余
賜時服二領長爲例

六年癸酉

五十歲

二月 尊大君入昌平坂觀 聖堂祭儀悉皆

如先例祭畢入 御座所七三郎

名惠字士信号
微軒稱快堂号記

洞俗諱

百助

名志字士雅又字甫玉
号鶴觀稱退省俗諱佳有

各献劔馬拜禮

御手賜佩器全具於兩人此外一家是賜亦如
例其後賜饗亦如例

三月前關白鷹司房輔從一位小川坊城倭

廣二品親王一乘院集教及兩傳奏前大納

言柳原資康前中納言持明院基時及

院使等登城 尊大君御黑書院自講大

学三綱領講後奏舜曲儀畢近召 御前

賜特服三領櫓三重菓子

四月二十一日 尊大君於御座間講周湯本義

陪侍講席者百餘人自此每月六回坐臯比余

及七丰節亦有 恩賚

八月丁日 聖堂修祭儀柳澤出羽守預傳

命曰近歲每有祭儀 台駕入昌平坂故侯伯
士林不能辨覽祭儀今茲仲秋可行祭禮依
之六日釋菜候伯四十人餘士林百餘人併陪臣
總千二三百人充滿假閑庭上卒夫長中山平
右衛門監使仁木甚兵衛各率其隊警衛

門庭戒禁嚴重祭畢候伯等悉入書院余講
統典明峻德一章七三郎講君子不器一章
講後金剛大夫保生大夫奏舜曲其後出饗膳
或去或留總四百餘人此後每有釋菜其式
如此永以為例

十二月六日老臣列座白書院傳 命曰汝女可
與鶴鳴內近修婚姻經日修納采之禮

七年甲戌

五十一歲

二月十二日蘭娘嫁大家餘裔錫場內正

同月二十五日

台駕入昌平坂拜

聖堂其

儀悉依先規

九月二十二日

尊母公挂昌院老尼

尊大君寶母後稱一位

拜詣

聖堂

台駕亦入昌平坂拜禮畢入

書院余及七三郎亦講論語內一章

尊大君亦講行有餘力章講畢獻饗長膳騎從之士預宴者千餘人余及七三郎各有恩賜母公平生好學每入本城使余講經有恩賚

八年乙亥

五十二歲

八月二十一日

台駕入昌平坂拜

聖堂其儀

悉如先例

十月十五日郡山城主李多下野守忠卒此人

度量過人剛直好學與余有互相知之情交義
親切雖新知結忘年之好

十一月新助傳藏文平為御近習番百餘告其事

九年丙子 五十三歲

正月 尊大君賀 母公揖昌院七十壽開祝宴

依 命獻壽詞

二月二十一日 聖堂釋菜承 命一品親王

日門主來觀祭儀

三月二十一日 台駕入昌平坂拜 聖堂其儀

皆依先例

十年丁丑 五十四歲

三月二十一日 台駕入昌平坂拜 聖堂自堂

直還 御老臣傳 命余及十三郎百助老母

老妻女子 恩賜如例余自甲子之歲至去歲

既一紀、日日登、營近候、御前春遇拔群、
貴賤雖異、兩情無隱、近歲、尊大君好學

尊道之情、日日深切、遇余頗有客卿之禮、故貴
族侯伯亦敬愛、日加余門生、莊藤左衛門和守、

藏安見文平、岸田忠助初稱常安、松浦左藏吉由孫

三郎寺内彈之助中村新兵衛初稱村喬、松浦藤五郎

近藤半助、桂山三郎左衛門津田守内得力十

之丞、秋山半藏悉出家、塾登庸、列儒生、皆賜俸
祿、近侍左右、侯伯亦招余門生、塾徒、祿仕於其家
者五十餘人、乃是、官息之餘化也、聲價日增、門
戶生光

日日登

營時、恩賜如例、故外人不能知之、余亦韜
養謹慎、以避時嫌、然大國諸侯亦致懇心、篤之招

設講座接遇太渥就中加賀侯參議世子正四位
下少將常吉治繼父之志修師資之禮左中將降
與侯綱村左中將薩摩侯綱責或招余厚禮而
開講筵或自來而結交義肥前侯拾遺松平綱
茂與余有外緣自稱門生詩筒迎通心交絕
倫饗禮尤厚信問不絕肥後侯左少將細川綱
利其嗣子主稅頭宣利紅講書請益作詩求正

安藝侯淺野綱通叙世好通音問高松少將
源賴常前橋少將源忠舉高田拾遺越智正通
經年逐月兩情無隱心交忘形上田城主侍從
松平伊賀守忠榮本多長門守及弟茂路守亦
交際稍渥南部盛岡城主行信其餘猶多姑記
際麾下之士不遑枚舉然其尤者飛驒守申
斐文莊主親父子安房守北條氏平父子内膳正

保田東鄉接來半右衛門等也

十二年戊寅 五十五歲

正月林又右衛門來春東養子也承命傳儒生

陪侍御前為御小姓增助俸祿與我家絕音

問其間榮辱改變今茲忤旨又列儒生與我家

音問如故

四月有命移神農像於昌平坂西隅

九月六日數寄屋橋火須臾猛焰近隣第宅

罹災余亦危急心七三郎百助與老母野妻避火

田安余登城而赴昌平坂七三郎亦來百助從

北堂歸本宅餘焰及昌平坂其間侯伯第宅悉

為烏有昌平坂幸免火難然忍同舊宅罹災

諸墳墓安全嗚呼此地祖父住居以來六十餘

年無火難之及亡父編輯國史之地也追憶

往事不堪感懷

十月老臣列坐召余曰。恐國之地為官用之地。可返納之任。所請可賜別地。云云。寬永庚午賜此地以來六十八年。今有此命。時運無如之何也。十一月賜牛籠之地。改葬顯祖妣顯考及曾叔父伯父叔父亡兄二妹亡嗣等墓。門生菊池舍人津村宗左衛門及家士勞其事。悲淚哀咽不堪嘆息。然皆極存無他。悲中一歡也。外擲用石灰脂炭堅緻封之。各設牆建碑如故。

十二年己卯 五十六歲

正月七三日講大學。自今逐次可講四書全部。五月七三日新築書齋。住居之頃。歲學才逐歲進步。屢招門生。塾徒賦詩聯句。修補土庫。即舊舍百助居之。自此二男共夜。待余傍。或對讀賦詩作文聯句。勤學弗措。

八月講禮記全篇了。余辛亥之春講詩經。至今年五經終講。宿志已遂。家父遺教亦達。自喜自勵。開筵饗于門生。

閏九月有命曰。麾下群士年々支用不足。故應祿數各賜金銀。余亦辨領白銀千九百兩。

十三年庚辰

五十七歲

二月講朱文公感興詩。依門生所請也。經月終講。

四月講易程傳。每月三回。坐皋比。作程傳重考。

十一月二十一日。尊大君。全講易經本義了。大饗侍講者。余及七三郎。獻物奉頌之。召余御休息所。賜增地二百石。七三郎亦辨領時服。

十四年辛巳

五十八歲

四月十日於御黑書院講論語全篇了。

五月十日於御黑書院講孟子梁惠王首章。自此

每月不懈，此後有故，以鳳閣為講席。

八月二十五日召余於御休所，御手賜佩籠全

具，自丁丑之春至今年^{有故}日日登營四時

恩賚，雖^無所闕，不得近侍於御前，今日始依

舊例。

九月近侍，御前講小學嘉言，自諸葛武侯

誠子至范魯公質，段自^可亥十二月侍講

至今日，久徹講筵，內罷隔簾聽之，恩賜亦依

舊例

自此而後，屢候

御前恩賚粗如先規

十五年壬午 五十九歲

二月二十五日正當天彌天神八百年忌，掛影像於

床壁與七三郎百助獻柒盛酒茶餅菓謹致
薄奠父子三人共作律詩寄納於宰府靈廟
三月二十一日 尊大君詣昌平坂 聖堂拜禮
乘入御座所召余及七三郎百助而三人共講
中庸孟子論語之中一章其後有 御講而後
獻饗膳父子頂戴 御孟奏舞曲一家
恩賚悉如舊規且召七三郎百助 御手別

賜佩籠全具

六十歲

十六年癸未

四月二十六日 尊大君拜詣 聖堂其儀畢

父子三人共講經了 尊大君亦有 御講其

後獻饗膳有舞曲有 恩賜儀同去年

五月老臣列坐傳 命曰串山義玄 民部大輔女可

嫁七三郎兼築奧室納采禮畢六月十二日

婚儀已成十四日登城有命授綰縮五
端于余曰可昇新婦拜命之辱而退去

十一月二十二日七刻地大震余排衾欲起顛倒兩
度四壁悉倒開戶則屋宇卧地余幸免升梁上
七三郎百助亦尋余會于梁上回顧則老母妻
妾新婦共敷席居庭自屋上揚聲大呼曰父子
三人共無恙而後相共會集少烏鵲鳴內廷及

門生來問余登一城所經第宅半倒屋瓦皆落
退公之後赴昌平坂聖堂書庫寶藏半破
外垣悉倒前代未聞之大變也松平加賀守松
丰信濃守音問救危急松平讚岐守賴常朝
暮贈食物情志丁寧同月二十九日昌平坂近隣
有火猛焰滿空引及加賀侯第宅風煙及
聖堂余及七三郎百助乃出聖像及四配像

避難本莊。聖堂及書院學寮悉燒失。書庫幸免。余見燒跡，拭淚而去。直登城告變災。此間本宅亦危。然幸無他事。其後地震連日不息。尊大君命近臣有所問。老臣及松平義濃守松平右京大夫亦就余有咨詢之儀。十二月二十五日有命昌平坂設假閣安置聖像四配像。

同月老臣及松平義濃守初稱柳澤出羽守後賜松平稱義濃守傳命

曰次男百助與七三郎同登城元日拜禮。

寶永元年甲申 六十一歲

二月五日有聖堂再造之命。守和嶋城主侍從伊達遠江守出役夫。阿部重隆并上河內守為總奉行。今茲河內守有母喪，故本多伯耆守代之。三月於御前講堯典克明峻德章為論題。與

書生八人議論余所答大恊 台慮內寵隔簾
聞之此後內寵每聽小學之講必有議論而有
恩賜

同月改元

五月昌平坂有經營之事逐日經月修築漸
成

七月百助書室新成

九月十二日執政傳 命七三郎百助自今以後於
山吹間謁見時登城可見 營中規式父祖
以來舊例也

同月召七三郎百助於御座間次席美濃守右
京大夫傳 命曰頃間入御文庫率門生點檢
書籍新作目錄可謂勤勞故賜時服云云
九月昌平坂 聖堂有柱立之儀執政秋元但馬守

代下兩部
聖傳

執事本多伯耆守伊達遠江守來會余及七三郎
百助列座

十月十二日七三郎妻俄羅病掩粧以魚子葬於
廣岳院

十一月四日七三郎百助被召登城執政秋元但

馬守傳命曰兩人共列布衣

同月十一日聖堂上棟秋元但馬守執事稍

垣對馬守伊達遠江守來侍監使阿部式部來
會余及百助入堂內致薄奠使門生讀上梁文
兼使法眼養排畫先賢先儒肖像依舊例掛
之東西廂書院字寮亦未落成

同月二十五日有聖像四配遷座之儀但馬守對
馬守遠江守伺候于堂緣余及百助入堂內勤
祭儀今日高家由山民部大輔基玄為御名代入

堂內拜禮儀畢，但馬守對馬守入新築書院傳命。余拜領時服五領，百即拜領時服二領。經日七三郎被召於營中，拜領時服三領。余作再造記，掛之堂緣。七三郎以服穢未除，不預。聖堂上棟遷座之事。

十二月五日，尊大君養甲府中納言綱量卿為繼嗣而入。西城使余考諱字，改綱豐為家宣。依之拜領時服五領。

同月，余密招富山義玄次女，置之於別室，棟來春嘉辰，欲嫁七三郎，而內緣不絕。

二年乙酉

六十二歲

正月九日，尊大君誕辰，開六十賀宴，賜饗於近臣。余獻壽詞及鳩杖。

二月丁日於新造

聖堂始修祭儀，悉皆依舊。

例

三月五日 尊大君轉任右大臣右大將如元

儲君任大納言叙從二位

同月二十五日 尊大君拜詣 聖堂以御休

所經營未成直還 御一家 恩賜如舊例

四月有 儲君之召赴 西凡於御休所講中庸

天命章并領時服

六月二十二日 尊母公一位老尼薨去有咨詢

之命

七月朔日老母倉橋氏自去月罹病進藥加針
共皆不驗今夜遂沒歲八十五不堪哭泣抑悲
哀、哀喪事悉用儒禮葬之於牛籠亡父墓
傍私謚貞良而作碑誌記其行實日參墓貴
族侯伯士林來問吊慰不絕

九月應召赴西苑講大學自此而後每月必有侍講之召

十一月百助罹痘疹之病恩賜紅綾加賀參議亦贈服具懇問之其餘來問者不絕經月百復

三年丙戌 六十三歲

五月七~~年~~即作本朝攝關志三卷百助作本朝忠臣傳孝子傳列女傳各三卷二男共文學日

進詞才秀實加賀宰相聞百助學才日新謂余曰世之藏書汗牛充棟然可傳之七~~年~~即也百助者次男也定知之藏書某家類本往之可贈之云云懇篤之情不堪感佩

六月家屋大半新造癸未地震以來未及修築今年漸成

九月依命使持明院參議正二位基輔書杏

壇門入德門仰高門三額改更昌平坂門額

四年丁亥 六十四歲

正月內寵今年五十歲獻壽詩 尊大君并

內寵有 恩賜

二月七三日百助有 召於御座之傍松平義濃守
傳 命曰各賜三百俵以為學問料可勵家業
云云余携二子出於御休所特有 恩命

二人共并戴佩籠全具余平伏并謝

玉音又有可勵家業之 命且顧視兩人曰今
日有舞曲可一覽云云兩人并伏而退

二十五日 儲君出西丸詣 聖堂并禮直回

轅老臣傳 命并領白銀千兩七三日百助
共賜時服

三月二十四日召余於浴殿曰書五經之中不披

卷帙可誦誦而講說近歲屢有此舉試此後
日二為例儒生相代設問難而待余答辨有
協台慮則有必恩賜世謂之內殿議論是亦
尊大君好學之餘也

同月於西城講了大學四月講論語屢有
恩賜

五月二十一日尾陽黃門吉通公詣

聖堂

獻劔馬燒香拜禮飲福酒而入書院余獻羹
酒黃門欣然余告之曰公之曾祖源敬公尊信
聖教寬永年中召余祖羅山子建聖堂
於忍岡祭祀不懈余父相續禮典粗備今
尊大君移聖堂於昌平坂拜詣竭禮顧夫
源敬公之餘化至於當時彌大彌盛今日拜詣
於余不堪拊蹈云云黃門莞爾盡歡而去此

後黃門招余及七三郎百助有懇篤之情

八月十五日 尊大君依例賜宴近臣余及七三郎

百助亦預其席父子共有 恩賜歸家之後隨

家例七三郎開宴饗塾生九月十三夜亦父

子共預御宴歸家催詩會

十月尾陽黃門招余父子三人依 命七三郎講

中庸性道教百助講學而首章逐日接遇

太渥

十一月二十八日富士山燒震動如雷沙灰蔽空白

晝如夜希代之變有 命獻勅文其後地上

生毛僉曰天變可畏

五年戊子

六十五歲

正月二十九日尾陽黃門又詣 聖堂其儀如去年

且拜神農堂而入書院余講堯典首章七三郎

百助講中庸兩章，講後談熟，獻晚膳，扈從之
士預宴者五十人，翌日告謝禮，速出對談，手授
硯匣書格，以修永好，自是忘貴，眷遇無比。於七
三郎百助亦然，且曰：每月父子三人相代來，話講
習所待在茲，以貴論不能固辭，其命惟從。講經
之後，或相共道遙園中，賦詩論文，一日賜駿馬二
疋，鞞鎧裝飾金具於七三郎百助。

五月九日有命曰：每月營中鴈間講談，使七
三郎百助相代，可勤之，以余年老，恩許如此。翌
日七三郎代余講萬章上篇，六月百助講其次
章，老臣悉出聽之，皆曰：兩人所講，義精理達，珍
重至祝事達。台聽由是內殿議論之席，時
時召七三郎百助與余問答數回，或代余答儒
生之問，頗協台慮。

八月七三日講詩經百助講胡傳共有五經終講
之志

是年百助悉周覽二十一史每終一史評論當
世之事

六年己丑

六十六歲

正月 尊大君自舊臘罹風疾痰喘強發三
日麻疹見十日晚俄薨御余登營近臣

牧漁哀咽始聞凶事吞聲哭泣萬方求之不知
所為驚愕仆地三十年來 思春之渥五內破
裂精神耗散體存氣絕雖生似死老臣近臣
咨詢葬事經日松平美濃守告老臣曰大學頭
年來勤勞身老體疲自今以後有公事則召
七三郎百助可議其事大學頭進退可任其心云
云二十日 御棺出城入上野余先入上野與群

臣并 御棺 勅贈太政大臣正一位弼常憲院
二更歸家自此而後時 赴上野依 命書誕
日薨日官位御諱於石棺蓋上

四月老臣傳 命於西丸鴈間講奏伯篇一章
向後七三郎百助隔月講談可遵先規云云

五月嗣君有將軍 宣下之儀余及七三郎百助
共觀其儀七三郎百助依 命作其記

六月二十七日近臣間部赴前守詮房承 命召余
及七三郎百助父子共出 御前有 命使七三郎
百助各講中庸一章講畢召七三郎百助有懇篤
之 命余不在傍西人共賜時服且有 命曰向後
每月大學頭者如先例可講論語七三郎者講中庸
百助者講孟子自此七三郎百助屢登 城逢間
部赴前守有所議

九月二十三日間部越前守傳 命余及七三郎百助
從台駕觀諸士射禮其後依 命父子三人悉
觀園境二十六日又於吹上有諸士騎馬之事依
命父子三人共從 御駕觀之

十二月豫修 先大君一周忌於上野十日法會
畢而携七三郎百助詣 御佛殿追憶悲泣及
暮而歸

是年命宗對馬守諭近歲朝鮮來聘之儀
依之與間部越前守屢談先例

七年庚寅 六十七歲

三月相國寺林光院長老自洛東來語曰某院內有
懼窩先生之墓漸荒廢其裔下冷泉亦時
參拜不及修補之事懼窩者我祖羅山子師也至
今追慕不已聞此語驚嘆修墓門周垣且贈忘日

酒茶奠料添以律詩

四月五日與七三郎百助共登城觀飛鳥并黃門

難波指遺蹴鞠

同月十五日依命七三郎讀法令條目國主及万石以上伺候翌日百助亦讀之旗下群僚及布衣以上伺候去歲小笠原佐渡守為之奉行父子三人共賜時服

六月就執政請致仕不許有命曰公事之外不

及登營唯可養老身也人皆以為榮

七月改洛外八瀨村采邑賜和泉國內尾井村

八月尊大君詣聖堂自獻酒菜還御余

拜領白銀一千兩及酒肴七三郎百助各賜時服

同月開部越前守承命七三郎百助考度長以來武家補任

十月營中有舞樂，余父子亦觀之。

十一月老臣奉命賜印章于万石以上，安藤右京

亮 ^{重行} 松平備前守 ^正 為之奉行，余及七三郎百助亦預其事，而後父子共賜白銀時服。

同月薩摩國主羽林吉貴率玠球使者登營，拜禮畢於大廣間奏音樂歌樂，余父子亦觀之。

正德元年辛卯

六十八歲

三月十八日老臣列座芙蓉間，召百助有賜宅地之命，可擇其地而達于官，云云。他日於三河町賜五百弓之地。

五月改元

十月十八日朝鮮三官使來聘，以東本願寺為假館。二十七日與七三郎百助携門生二十餘輩，赴東本願寺，進 進 進 學士東郭李碩及書記官洪鏡湖嚴

龍湖南走使贈酬數回。三官使聞之，贈餅饅酒。
有。余父子亦寄詩于三官使及暮而歸。
十一月朔日，三官使及僚屬悉拜禮於大廣間，貴
介侯伯官僚諸士悉伺候。余讀國王書，七三郎讀
別幅，其儀皆與先例異。

八日與七三郎百助赴東本願寺，會于學士書記官
唱和未央。官使請與余會，遂乃到彼所。正使
副使歡迎，導余相共，并揖談話已熟。正使語余
曰：林家世二掌絲綸，美譽芳聲，遍于我國。癸
未乙未壬戌，贈酬詩卷，納之官庫云云。

童子捧饗膳，乃與
官使相共喫之，頻勸一盃。食罷告罷，官使惜
別，以期他日。又與學士等會，詩戰筆語皆嘆。

七三郎百助才量

二年壬辰

六十九歲

二月六日三河町新築半成百助移居

四月近臣傳 命鍋嶋内匠養松本城主年正
水野忠職末子為嗣年人正與内匠有内縁故
許其所願

六月二日老臣列座于白書院廊下召百助曰可
要監使山川安左衛門女經日修納采之儀七
月二十日修婚儀舉家欣然祝之

十月十四日 尊大君薨蒲城驚嘆葬於增
寺余父子三人共先 靈輓赴增上寺 勅
贈太政大臣正一位弼文昭院

幼嗣君錮松丸依 遺言續其丕緒政事如元

百僚職役悉皆不變舊規

是年松平義濃守入道保山寄使曰請作

常憲公一世之事實余答曰先示草稿相議訂

正之云云請其始曰台教紀年

三年癸巳 七十歲

二月三日七三郎百郎作壽詞捧鳩杖開宴以賀以
祝蘭娘來會親族門生悉會集會津城主

左中將松平肥後守正容安藝國主松平安藝

守吉長近歲修父祖之舊好情志丁寧來賀之桑谷城

主左少將松平下總守忠雅姫路城主柳原式部

大輔政邦執政土浦城主土屋相模守政直前執政

稻葉内近頭正通等或贈音物或贈倭歌賀之

瑞春院女君亦傳聞賀儀贈音物祝之

先主治世之日命余開講筵 先主薨後不

忘舊因達於官聞時、有 息惠

三月二日 幼嗣君有將軍 宣下之儀任內大臣

兼左大將

五月老臣傳 命七三郎百助曰雖為 幼主然

先代有遺命不可變政務 孟子終講則大學中

庸逐次每月隔更番可講之云云

十五日七三郎產女子一家悉喜余及七十

始得孫女老後一歡事自此有所期故省之曰
待娘

八月六日加賀宰相來臨百助新居以叙世交昌
自幼好學惜老父祭酒秘本有所寫盈十餘櫃
歸國之日悉可納於卿之文庫他日我子孫有
好學之志則亦復可惜之云云

十月尾張國主五郎太贈亡父黃門吉通卿遺物

撒金書格于余七三郎百物共賜撒金硯匣黃門
於余父子懇遇太渥今茲七月二十六日薨去年
二十有五不堪哀惜余父子亦捧香資獻輓詞
。十二月十三日錫鳴內廷妾腹產女子蘭娘養之
為女名曰郁娘

四年甲午

七十一歲

正月十四日百物妻產女子名曰常娘母子平安
十月 常憲院贈大相國公實紀三十卷全成

致仕前左少將甲斐國主源吉保所作也請
余訂正之是以太勞考索然治世政事好
學篤志粗備為道為世珍重至祝且依
其求為之序以述旨趣吉保歡抃不翅
寄使曰不借卿之力則不能終編乃贈白
銀綵綾朋樽兩種謝之

同月上野增上寺有法會勅使院使承
命參府從二位中納言冷泉為經亦東來是

惺窩藤歛夫曾孫也。故携七三郎百助赴
旅亭對談移刻共修宿契詩什贈酬
數回音問不踈。

十二月三日待娘罹風疾不幾日痘見驚
愕招諸醫療養無驗九日曉天殤葬
牛籠一家吞聲悲泣悉失宿志

五年乙未

七十二歲

六月二日登城告間部越前守曰先君有恩
命不許致仕其後保養氣力未減然逐年
老衰行步不健願乞骸骨越前守曰
先大君唯免諸務不許致仕太有深意為
世為道欲興儒風眷遇最渥不可遺忘
今大君雖幼不可負其言不可失其心所
請有理而難敷奏所諭丁寧故不得已陳

謝而退

今月初牛籠別莊產靈芝其色滑腴有

光可謂瑞兆也一家欣祝之慶之除此段可

同月九日再請致仕越前守與老臣議

不許所請所諭丁寧狂從其言

七月十九日夜次男信智始得男子音

相不尢眉壽有期一家欣不知舞踊

賀之不足祝之有餘命之左五郎且

作詩云能罷卜夢入詩章龜鶴祝齡

稱壽觴料識歲神降百福一願初如

達赫靈祥

十月二十三日老妻罹病掩粧其譜族見

前其性慈淑懿粹貞靜順和在家之日

孝于父母友于兄姊婚嫁之後能事舅

姑竭志勵孝，不遠其言。晨昏接余，
好合畏敬，中饋之勤，無不精密。內助
之効，無不普及。為余卜妾內田氏瀧
娘，顧遇之厚，如見姪姊，愛育一女二
男，如其所生。合豔以來，四十九年。宜
家宜人，令夏之季，氣宇不平，及秋增
重，遂至于如此。舉衆哀惜，余老衰無
賴，悲泣慟哭，寤寐思服而已。葬之牛
籠別莊，信充信智，私謚定肅。余拭
淚為之誌書碑陰。

十二月十七夜七刻，七三郎信充侍妾產
女子，母子共平安。名之曰銀娘。

六年丙申

七十三歲

正月元日吟曰：鳳曆春回天地紀，璣衡幹轉

相終始。老齡數往。又知來。四百四十五甲子。
同月十一日入夜大火。昌平坂。聖堂危急。
猛焰不止。內藤式部正教家士卒夫移
聖像并四配及神農像於他所。岸和田城
主岡部義澤守長奉依。台命率士卒防
火。聖堂響應所及學寮幸免火災。

四月大盡。幼大君自去歲不豫。逐日

經月增重。今茲四月下旬。大漸彌留。
晦日薨去。齡終八歲。舉世驚嘆。依
文昭廟遺言。紀伊黃門吉宗承續
大統。

五月十日依。召近侍。今大君預詔詢之

事。

經月頻繁應召登城眷遇太渥兩
男信充信智亦從余候御前預公事
七月朔改元享保而有可賜印章侯伯及
寺社之命余及信充信智預其事

享保二年丁酉^{七十}正月城下大火信智宅亦
罹災書庫煨燼佳父字不遺移居昌平坂
學寮

三月定法令余及信充信智預其事共有

恩賜

六月信智產女子

七月信充女子丈娘罹病夭札

同月執政傳命曰來二年己亥朝鮮信使
來朝信充信智可與執政議定事務余亦監
視諸事

同月信智改賜宅地與余居接隣經月修補
漸成移居焉

九月國主城主萬石以上各賜御押朱
印余及信克信智并戴白銀時服

享保三年戊戌七十
五歲

四月信克有痛湯治及秋全快

九月有台命使門生數輩於昌平坂

仰高門邊學舍日日相代講經

享保四年己亥七十
六歲

九月二十七日朝鮮信使洪致中副使黃瑠從事官

李明彦率學士申維翰書記三人等來朝有

命諸務無巨無細決於我家信克信智日二

赴旅館辦事三使設饗於父子三人三使

及學士書記僉云余父子三人詩律拔出群

作嘆羨有餘十月十五日朝鮮三使以下

歸國發途十八日近召御前父子三人

共勞之賞之各賜時服

享保五年庚子^{七十}
正月元日作詩用文潞公七十七歲同庚
之事

享保六年辛丑^{七十}
八歲

四月十八日七三郎信充始得男子一家之
嫡孫也面貌非常軀體強健名之曰
泰助逐日成長肌骨豐盈有起家之相

不堪歡抃旦夕撫愛之

享保七年壬寅^{七十}
九歲

八月丁日釋菜有命自今而後私家
勤修補等之事不假官資之力

十二月二十六日東照大神宮當誕辰三
回城中召舊臣三百餘人賜宴余及
二子亦預其宴

享保八年癸卯

八十歲

二月三日二男一女賀吾誕辰開祝宴加賀

宰相安藝侯等贈音物示丁寧之情

同月九日特降 恩命信充叙爵拜任大學頭

勤 聖堂祭主之事依余老衰也丁日釋菜

信充束帶為祭主余改官大内記傍觀祭儀

享保九年甲辰

八十歲

正月元日作詩用老子降誕之事

三月廿七日百助次男弥七生

閏四月二十二日依願致仕全賜采邑千五

百石堂料千石俸及九十五人於嫡子信充

且以信充所領之三百俵賜余為隱居料

持有 命曰雖致仕時可候 御前云

歷日被 召候 御前拜戴八文嶋五端

皆以為榮也

五月九日致仕加賀宰相逝去歲八十二父祖以來
好學余執交六十年餘平生眷遇無比師重
之禮甚厚哭慟拊胸不堪哀惜六月九
日一周月忌詣廣德寺獻香資拜神
主作誄以抒哀情

是年作常山文集序故黃門水戶
源義公家稿也令嗣叅議公所求也

享保十年乙巳八十二歲

正月元日採用宋廣平賜全祿故事
作詩

同月 儲君大納言元服奉 命木
學頭信光作記予亦依 命考
御諱賜時服

二月丁日大學頭於昌平坂聖堂始

行釋奠，余亦傍觀祭儀，期祝家業相續，二仲祭祀年々不絕。同月牛籠別莊火災，諸墳墓亦小裂，然祖考石碑無他，經日修補，悉成。茅舍亦新成。此秋老妻卧病，氣體衰耗，而服用針藥漸有驗。

享保十一年丙午三十八歲

三月大學頭產女子

同月依命赴常憲廟老妾

瑞春院三九第，自此應招遊園

庭眷遇特厚，音問不絕，悉是

先大君餘眷也。

是年嫡孫泰助始讀書揮筆。

豐盈屏角有食牛之量遠大可
期

享保十二年丁未

八十
四歲

正月閏正月至三月

嚴寒如冬

陰翳

僉言未曾有之事也

享保十三年戊申

八十
五歲

大君兼有命曰今茲四月登日光山拜

東照宮及期三卿及老臣御普代衆

扈從勤番悉仍旧例萬石以下各有恩賜

是亦遵舊式嫡男大學頭信光亦其列也

四月十三日台駕祭途大學頭一日先行

十七日台駕束帶祭廟供奉行列大學頭入

廟庭飽觀其儀同月二十日先台駕歸

家一家欣々祝之頌之

六月二十三日之夜，老妻病喘急起，至廿四日掩粧。自癸卯十月罹病，不能起居，而月愈乙巳八月，又罹河莫病，至今年或愈或痊，不得全快，更數醫不驗，遂至如此。天性恭儉，和樂能成內助。人惜之，同月廿六日葬于牛込。嗚呼哀哉！惜哉！大學頭立小石碑，余為之誌，詳述其行實。

享保十四年己酉

八十
六歲

歲初用賀季真八十六歲賜鑑湖一曲之事，作一絕。

丑月丑日先考立十回己心辰，我生存之日三十七歲，盡孝養之心，沒後立十年祭禮不怠。比他人則如此之類，希也。哭泣追慕之餘。

作哀文

同月八日

先主嚴有廟五十一

回忌辰法會事終余亦并諧

享保十五年庚戌_{八十}

_七歲

今歲二月仲春中丁釋菜嫡孫

信言十歲初勤獻官

同年十月廿三日嫡婦畠山氏之女

有故離別內緣絕矣命哉可歎

享保十六年辛亥_{八十}

_十歲

元旦作詩曰八十八翁形氣殘蓬

衡迎歲對椒盤米粳粒粒知齡

數壽域無疆北鬱單經日手書

奉獻 大君幕下及 儲君且

尊弟兩郎君奉祝遐齡各賜

時服縑帛而被召 御前

同月嫡孫信言十一歲初作詩

同年四月十五日妾腹孫兒生名之
曰助次郎翌日城下大火國主之
大家悉燒失







